



Na osnovu člana 8. Zakona o ministarskim, vladinim i drugim imenovanjima ("Službene novine Federacije BiH", broj 12/03, 34/03 i 65/13) i tačke VI Odluke o kriterijima za nominiranje/imenovanje predsjednika i članova upravnog odbora Kantonalnog stambenog fonda Sarajevo („Službene novine Kantona Sarajevo“, br. 4/05, 11/05 i 27/05), Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo raspisuje

JAVNI OGLAS

za imenovanje na poziciju predsjednika i članova Upravnog odbora Kantonalnog stambenog Fonda Sarajevo

1. Predmet Javnog oglasa:

Oglašava se pozicija:

- Član Upravnog odbora iz reda osnivača4
 - Član Upravnog odbora iz reda zaposlenika Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.....1
- (u daljem tekstu: Ministarstvo)

Predsjednika i članove Upravnog odbora Kantonalnog stambenog Fonda Sarajevo (u daljem tekstu: Fond) imenuje Vlada Kantona Sarajevo na osnovu prijedloga Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo) na period od četiri godine.

2. Opis pozicije člana Upravnog odbora Fonda:

Upravni odbor donosi Statut Fonda, na koji saglasnost daje Vlada Kantona Sarajevo na prijedlog resornog ministarstva, utvrđuje i prati realizaciju godišnjih i srednjoročnih planova i programa održavanja zajedničkih dijelova i uređaja u stambenim i stambeno-poslovnim zgradama, utvrđuje i prati realizaciju programa sanacije stambenih i stambeno - poslovnih zgrada i stanova oštećenih ratnim dejstvima, usvaja godišnji izvještaj o radu Fonda, usvaja godišnji izvještaj o finansijskom poslovanju na koji je prethodno dato mišljenje ovlaštenog revizora, na koji saglasnost daje Vlada Kantona Sarajevo i obavlja i druge poslove i zadatke za koje je ovlašten Odlukom o osnivanju Kantonalnog stambenog fonda i Statutom Fonda.

3. Opći uvjeti

Za predsjednika i člana Upravnog odbora Fonda može biti nominiran/imenovan kandidat koji ispunjava sljedeće opće uvjete:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije,

4. da se na njega ne odnosi član IX.1. Ustava Bosne i Hercegovine,
5. da nije osuđivan za krivično djelo, privredni prijestup nespojiv s dužnošću u Upravnom odboru Fonda,
6. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", broj 16/02, 14/03, 12/04, 63/08 i 18/12).

4. Posebni uvjeti

Kandidat koji se nominira/imenuje na poziciju predsjednika i člana Upravnog odbora Fonda mora ispunjavati sljedeće posebne uvjete, i to:

1. da ima završen VII stepen stručne spreme,
2. da ima najmanje pet (5) godina radnog staža u struci,
3. da nema privatni - finansijski interes u Fondu u čiji se upravni odbor kandiduje,
4. da nije član niti jednog upravnog odbora odnosno nadzornog odbora.

5. Kandidovanje

Kandidati koji budu stavljeni na listu sa užim izborom, biće pozvani na intervju pred Komisijom za izbor. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka ("Službeni glasnik BiH", br. 49/06, 76/11 i 89/11).

Na Odluku o imenovanju predsjednika i članova Upravnog odbora Fonda zainteresovana stranka može podnijeti prigovor na konačno imenovanje u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine.

6. Sadržaj prijave i spisak potrebnih dokumenata

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata (ne starije od 6 mjeseci), kao dokaz o ispunjavanju općih i posebnih uvjeta traženih ovim oglasom i to:

1. Uvjerenje o državljanstvu Bosne i Hercegovine,
2. Diploma o završenoj školskoj spreml,
3. Potvrda o radnom stažu u struci (potpisana i ovjerena od strane poslodavca),
4. Izjavu kandidata potpisanu i ovjerenu od strane nadležnog organa o ispunjavanju općih uvjeta pod tačkama 3., 4., 5. i 6. i posebnih uvjeta pod tačkama 3. i 4.

Pored navedene dokumentacije, kandidati koji budu izabrani obavezni su prije stupanja na dužnost dostaviti uvjerenje za redni broj 5. iz tačke 3. ovog javnog oglasa.

Prijave sa traženim dokumentima kao dokazom o ispunjavanju općih i posebnih uvjeta dostavljaju se lično ili putem pošte preporučeno, sa naznakom "**PRIJAVA NA JAVNI OGLAS ZA IMENOVANJE NA POZICIJU PREDsjedNIKA I ČLANA UPRAVNOG ODBORA KANTONALNOG STAMBENOG FONDA SARAJEVO – NE OTVARAJ**".

Prijave se dostavljaju na sljedeću adresu: **Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Ulica Reisa Džemaludina Čauševića broj 1, Sarajevo.**

Oglas ostaje otvoren 15 (petnaest) dana od dana posljednjeg javnog objavljivanja.

Neblagovremene i nepotpune prijave neće biti razmatrane.

